

KENYATAAN MEDIA

SWM KASIH CERIA DEEPAVALI BERI KERIANGAN KEPADA 10 BUAH KELUARGA

NILAI, 7 NOVEMBER 2023 – SWM Environment Sdn Bhd (SWM Environment) menerusi entiti tanggungjawab sosial korporat SWM Kasih menyampaikan sumbangan keperluan makanan harian kepada 10 buah keluarga di sekitar kawasan Nilai bersempena dengan program SWM Kasih Ceria Deepavali bagi menyambut kedatangan perayaan Deepavali tidak lama lagi.

Pengurus Besar Korporat, SWM Environment, Tuan Haji Mohd Norlisam bin Mohd Nordin berkata, “Deepavali, yang juga dikenali sebagai Diwali, adalah perayaan penting untuk mereka yang beragama Hindu bagi merayakan kemenangan cahaya ke atas kegelapan dan kejahatan. Memahami kepentingan festival ini kepada masyarakat India, SWM Environment mengambil peluang untuk membantu mereka yang memerlukan menerusi program bawah tanggungjawab sosial”.

“Disamping menziarahi mereka yang memerlukan, kami juga turut mengingatkan penduduk mengenai pentingnya memulakan proses pengasingan sisa pepejal di rumah, termasuk pemisahan bahan seperti kertas, plastik, kaca, dan bahan buangan lain daripada sisa organik,” tambah beliau.

SWM Environment telah bekerjasama dengan Pusat Khidmat DUN Nilai, bagi mengenal pasti 10 buah keluarga yang layak menerima sumbangan berupa barangan keperluan dapur seperti beras, susu, tepung, tepung maruku, serbuk masakan kari dan sebagainya untuk mereka membuat persiapan menyambut perayaan Deepavali bersama sanak saudara dan rakan-rakan.

SWM Kasih Ceria Deepavali merupakan salah satu program SWM Environment untuk bersama-sama membantu mereka yang memerlukan terutama ketika menjelang musim perayaan. Pelbagai usaha dijalankan oleh pihak syarikat dalam memastikan komuniti setempat yang kurang berkemampuan menerima bantuan yang sewajarnya.

-TAMAT-

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).



Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Nurul Liza Binti Mohd Najib

Pengurus

Jabatan Komunikasi Korporat & Hal Ehwal Kerajaan Negeri Sembilan & Melaka
SWM Environment Sdn. Bhd. (Pejabat Wilayah Negeri Sembilan)

Tel : 06 – 6014280/ 012 – 684 7168

E-mel : nurulliza.najib@swmsb.com